

فی ۲۷ صفر الحیر سنہ ۱۳۱۳

نومرو ۱۶ برنجی سنہ

و فی ۸ اغستوس سنہ ۱۰۸

آیدہ ایچی دفعہ نشر اولنور

بر سنہ لك آبونہ بدلی قرق بش غروشد

بر نسخہ سی ۲ غروشد

مکتبہ
مشرقیہ
مکتبہ

وشاورهم فی الامر

مدیری : احمد رضا

محل ادارہ سی :

48, Rue Monge, Paris.

عثمانی اتحاد و ترقی جمعیتک واسطہ نشر یاتیدر

حرکت ایدویم . قریباً مأمور اولدیقم نقطه به عودت اتمک اوزردیم .
عثمائی اتحاد و ترقی جمعی سیار مأمورلردن
سیف اه

قوصودن

بوظرفارده بحران مالی بک دهشتلی در . پاره ایچون جهت عسکر به دن
وباخصوص متمهدل طرفندن ایدیلان تضییق حدغایه بی بولشدر . طاشلیجه
یکی بازار ایک رشته سنجان قلرند ولایت زره قدر برمعاونت کورلیور . یالکر
برزرین سنجانی اهمیتیز برمعاونت کوستور . خزینة جلایه ایله نظامیه
خزینة سنه و اوچنی اردو وزنه سنه اولان ارسالاندن بشقه فرقه عسکر به نک
و متمهدل مطلوباتنک یوزده یتش بشی مرکز سنجانی تادیبه مجبور قالیور .
بوندن بشقه خزینة خاصه ویاوران شهر یاری معاشاتی کچی متفرق حوالات
دخی بشقه جه مرکز یوک اولیور . مصارف محلیه ایسه بونلرک یاننده بک
اهمیتیز قالیور . هله پاره ارسالی حقنده خزینة نک تضییقاتی تحملی آشور .
بونلره ضمیمه شواراتی برده کریده سوق اولتان طابورلرک بهرینه مصارف
سفریه اولق اوزره الیشربیک غروش اعطا ایدیلشی مضایقه حاضره نک
بشقه جه دائرة تضییقی قاترلشدریدی . شمعی بوقدر بارقیل اتنده
ازیمکده بولتان مرکز ولایتک اورالری اوده یالکر افراد استبدالیه معاش
و مصارف ایله متمهدل مطلوب ایچون تضییق ایدشی حق الانصاف چوق کورلما مک
لازمدر . اگر بوحوالیده تحصیلات بولنده کیمش اولسه یه اورالری اولقدر
تضییق ایدلزدی . نه چاره که ماکدونیا مسئله سی اهالی خرسینیایی سائر
سنلر کچی تضییقه میدان براقیور . تحصیلات عادتاً اهلانلک یداختیارینه ترک
ایدلش کیدر .

رجا

(مشورت) . کوندرله بک مقاله لک غایت مختصر و طوبلی اولمش
دفعاته اخطار ایلمشدک . برغزته نک ایکی ، اوچ صحیفه سی اشغال ایده بک
درجه ده مفصل مکتوبلر آلیورز ، مع التأسف باصه میوز . عیناً درجی
ارزو بیورلدینی حالده (مشورت) ک حجمه ، مسلکته کوره مقاله
یازلشی تکرار رجا ایدرز .

جودة الکلام فی الاختصار

بولدینغی ژاندارمه قوماندانی ایشیدوبده ایکی رأس نقصان چقیدینی ایچون
ساحی رسماً ضرب و تضییق ایدیلور ! برقونک اوچ بحق غروش رسمی
ایچون اون غروش آتور ! خلاصه بیل دروز واکا متجاوز عربلر کاملاً
صویلوب عو ایدیلر ! کیمسه ده برشی قلمدی . بوقعه ده قتل ایدیلان
ژاندارمه چاوش و نفرلینک کرلرنده قرقردن یوزه قدر لیرال بولندی . الک
کوتو برنفردن یوز مجیدیه حیقدی . بونلرک معاشلری معلومدر . ذاتاً بکلری
ایچکلری بزدندر . یه بوقدر پاره معاشدن طویلاتمز . خلاصه بز بویه شیار
کورمدک بزم کچی هنوز حکومته الشمعه باشلایان برخلقه بوقدر ظلم اولورمی ؟
استانبول اهالیسی حقنده بک چوق ظلملر اجرا اولدینی حالده تحمل
ایتدکاربنی ایشیدوب تعجب ایدر ایدک . لکن هرکس انلر قدر حول و مسکین
اوله من . بونکله برابر انلر حقنده عرض ماده سی بوقدر تعدی کورماشدر
ظن ایده ز . ایشته درزیر یالکر تحمل ایده مدکلری ظلمدن ناشی سلاحه
صارلیدلر . انصافی اولانلر درزیرله عاصی نظریه باقمز . انلری اجبار ایدن
مرتکلری تادیب ایدر . درزیرلر معذوردر . بزدولت نامه بوقدر رزالت
تنزل اولنه جفنی بیلمز ایدک ! باحوال یه بویه قاله حق ایسه درزیرله بوندن
سکره بویه حیاتک لزومی اولدینغدن اولمک ایچون عموماً یمین ایتدیلر . شوصولک
عجابه ده درزیرلرک عددی الی بیک قدر ایدی . جوار اوتوز اوچ کوی خلی
طویلاتمز ایدی . عسکر درت بشیوز قدر وار ایدی . اوچ فقه درزیرلی
بوزدیلر . لکن طقوز ساعت صوسز قالب طاقلری کسیدیکندن بوزولیدلر .
درزیرلرک وفاتی بیک یوز یتش کسور نفردر . مجروحلری اوچ درت یوز
نقره وایر . بوقاجه نک و بونک اوزرینه ظهور ایدمک فاجه لک مادی
و معنوی مسؤلیرلی بوقدر مدتدر ولایتی خراب ایتدکلری حالده حالاکوزی
طوبیمان والی عثان باش ایله خسرو پاشا و بونلرک معیت مأمورلرینه عائددر .
دولت حقنده خان کیملر ایسه شواحوالک اسبابی انی اعلان ایتدکلر . بز
حاملری تلغرافلرله پادشاه قدر یازدق تحقیق اولتور ایسه ایش میدانه حیقار .
تحقیقیز اوزریمزه هجوم و قوعبولور ایسه بونک مسؤلیریه ده بویه مرتبک ظلم
مأمورلری خلقلک اوزرینه مسلط ایدن پادشاه عائد اولور (دیدیلر . ایشته
درزی مسئله سنک ماهیتی بوندن عبارتدر و حیجدر . عسکر کلوب سوق
اولتمقددر . لکن کافه سی جیلاقدر . استانبولدن یکریمی بیک لیرا حواله
ایسته نیلمش حلب واطنیه ویرلش حلب برپاره ویرمیور ! اطنه یالکر الی
بیک غروش بولش . طابورلر معیته حیراً برطاق . ققرانک حیوانلری طویلوب
نقله ایچون ویرلیور ! پادشاه ایسه استانبولده بیت المالی یغما ایدوب ایتدیریور !
حتی سرعسکر پاشایده کچلارده التمش بیک لیرا ویردیک محققدر . بقام بوغناد .
بوجهل . بوخربات ملت حقنده شوعداوت دهانه قدر دوام ایده بک !
وطنمزلک مقاسمه سی مذاکره اولتیور . وطن حزین حزین عثمائی ارباب
حیتدن استمداد ایدبور . بومکتوبی اینه دن یازدم مهم برایش ایچون قبریه